

**LUTRIJA BOSNE I HERCEGOVINE
UPRAVNI ODBOR**

Broj: 25-1692-1/03

Dana: 17.12.2003.godine

Na osnovu člana 16. Zakona o igrama na sreću ("Službene novine Federacije Bosne i Hercegovine", broj 1/02), Upravni odbor Lutrije Bosne i Hercegovine, na sjednici održanoj dana 17.12.2003.godine, d o n i o j e

**PRAVILA
EXPRES LUTRIJE**

Član 1.

Ovim se Pravilima, utvrđuju način i uslovi pod kojim Lutrija BiH sa sjedištem u Sarajevu u ulici Alije Isakovića br. 1 (u daljem tekstu: priređivač) u skladu sa Zakonom o igrama na sreću, priređuje igru na sreću "EXPRES LUTRIJU" V serija (u daljem tekstu: Expres Lutrija), čiji se dobici isplaćuju isključivo u novcu.

Član 2.

Expres lutrija se priređuje u svrhu razonode i zabave učesnika u igri nasreću, kao i mogućnosti sticanja dobitaka u novcu.

Član 3.

Za regulisanja odnosa proisteklih iz učešća u igri na sreću Expres lutrije važeća su samo ova Pravila. Ona obavezuju priređivača, lica ovlaštena za prodaju i učesnika u igri, koji ih je priznao kupovinom srećke Expres lutrije.

Član 4.

Učesnikom u smislu ovih Pravila se smatra imalac punovažne srećke Expres lutrije.
Punovažnom srećkom iz prethodnog stava se smatra srećka Expres lutrije koja sadrži sve elemente utvrđene u čl. 7. ovih Pravila.

Član 5.

Srećka se emituje u seriji od 1.000.000 (jedan milion) komada. Emisiona vrijednost ove serije iznosi 1.000.000 KM. Fond dobitaka iznosi 60% od emisione vrijednosti ove serije ili 600.000 KM.

Član 6.

Fond dobitaka serije se raspoređuje po slijedećem planu:

BROJ DOBITAKA		IZNOS DOBITKA		UKUPNO
5 PREMIJA	x	5.000	=	25.000
10 DOBITAKA	x	2.500	=	25.000
20 DOBITAKA	x	1.000	=	20.000
40 DOBITAKA	x	500	=	20.000
200 DOBITAKA	x	100	=	20.000
2.000 DOBITAKA	x	10	=	20.000
10.000 DOBITAKA	x	5	=	50.000
25.000 DOBITAKA	x	3	=	75.000
345.000 DOBITAKA	x	1	=	345.000
382.275 DOBITAKA				600.000 KM

Član 7.

Bočne strane srećke su perforirane. Na jednoj strani srećke se nalazi odštampan tekst "LUTRIJA BOSNE I HERCEGOVINE" i znak Lutrije BiH, a na drugoj strani je tekst "EXPRES LUTRIJA" BOSNE I HERCEGOVINE sa naznakom, naznačenom cijenom srećke i brojem serije. Srećka je savijena i zalijepljena. Na unutrašnjoj strani srećke je odštampano slijedeće:

LUTRIJA BOSNE I HERCEGOVINE sa znakom, iznos dobitka brojem i slovima, odnosno tekst "BEZ DOBITKA" ako srećka nije dobitna, broj srećke (serijski broj), potpis generalnog direktora i plana fonda dobitaka.

Član 8.

Rok prodaje serije otisnut je na samoj srećki. Ako se srećke Expres lutrije ne prodaju u navedenom roku iz stava 1. ovog člana, priređivač može produžiti rok prodaje posebnom odlukom.

Član 9.

Učesnik saznaje ishod igre otvaranjem srećke i čitanjem rezultata na srećki. Otvaranje srećke se vrši siječenjem ili cijepanjem dijelova srećke po perforaciji.

Član 10.

Učesnik ima pravo da traži povrat novca u visini cijene srećke ako su greškom štamparije pogrešno odštampani ili nisu uopšte odštampani iznos dobitka brojevima i slovima ili tekst "BEZ DOBITKA", ako srećka nije dobitna.

Član 11.

Priređivač ne snosi odgovornost za srećke koje su na bilo koji način nestale ili oštećene kod učesnika u igri.

Kod lica ovlaštenih za prodaju, smatraće se da je prodavač kupio sve srećke za koje tvrdi da su nestale, ukradene, izgubljene ili oštećene.

Član 12.

Srećka Expres lutrije glasi na donosioca. Prilikom naplate, učesnik je dužan da donese neoštećenu srećku (punovažnu).

Srećka je nevažeća ako je pocijepana ili ako su, djelimično ili u cjelini oštećeni brojevi ili slovne oznake.

Nevažeća srećka se ne može naplatiti, niti učesnik ima pravo na povrat novca u iznosu cijene srećke.

Član 13.

Isplata dobitaka se vrši na prodajnim mjestima, do iznosa koji odredi priređivač i na blagajni Lutrije BiH u Sarajevu.

Član 14.

Porez na dobitak plaća učesnik koji je ostvario dobitak u igri Expres lutrije u skladu sa Zakonom o oporezivanju igara na sreću i zabavnih igara. Kod dobitaka koji podliježu porezu, priređivač će odbiti porez prije isplate dobitka.

Član 15.

Pravo na naplatu dobitaka zastarijeva u roku od 30 dana od posljednjeg dana prodaje Expres lutrije u prodavanoj sezoni.

Član 16.

Za isplatu dobitaka garantuje priređivač u skladu sa Zakonom o igrama na sreću i Statutom Lutrije Bosne i Hercegovine.

Član 17.

Pravila Expres lutrije se objavljuju u sredstvima javnog informisanja i nalaze se dostupna učesnicima na svim prodajnim mjestima priređivača.

Član 18.

Za rješavanje eventualnih sporova, proisteklih iz učešća u igri Expres lutrija, isključivo je nadležan Sud u Sarajevu.

Član 19.

Ova pravila stupaju na snagu danom donošenja, a primjenjivat će se od početka prodaje V serije Expres lutrije i ista će se objaviti u listu Dnevni avaz.

**PREDSJEDNIK
UPRAVNOG ODBORA**

Mesud Omerspahić, s.r.